




565876

leaf comp.

I
Mag. St. Dr.







GRATVLATIO

Illustris: ac Reuerendis: Domino.

D. STANISLAO

A GROCHOWCE

GROCHOWSKI,

Dei, & Apostolicæ Sedis Gratiâ,

ARCHIEPISCOPO LEOPOLIEN:

ABBATIÆ SIECIEHOVIEN:

Administratori perpetuo. &c. &c.

IN PRIMVM

Ad suam Archiepiscopalem sedem ingressum, Domino &
Mecænati Amplissimo, honoris & debitæ
obseruantia ergò

^A
M. MATTHIÆ GLEBOCIO, Philosophiæ Do-
ctore, et Academiæ Coloniæ, ad Ædes Eccl. Metropolitanæ
Leopoliens. RECTORE, reuerenter.

O B L A T A.



LEOPOLI,

In Officina Ioannis Szeligæ, ARCHIEPISCOPALIS, Typog.

26
181
In Stemma Illustrissimi.



565876

T-h.



Quid trepidas Urbs, quæ magni fers Stemma Leonis,
Carniuoros circum mania celsa lupos?
Si Leo magnanimus non te satis arcet ab hoste,
Sanctior ingenio te tueatur Agnus.
Quid? noua prodigia hæc censes? sic Christus ouile
Ipse suum armauit, fortior ut sit Agnus.

1963 K 711/11

ZACHARIAS ZAIACKOWSKI
Sud. Scholz. Metr. Leon.

GRATVLATIO.



VOD cōmunibus votis, quàm maximè
 expetiim⁹ **ILLVSTRISST AC REVERENDISS:**
Archipræsul, vel ad ornandum tantæ
 dignitatis fastigiū, vel ad extinguendū
 ardentissimū, Gregis vniuersi desideriu,
 vel ad tutissimū celeberrimæ Ciuitatis
 istius patrociniū, ac deniq; ad leniendum dolorē, quem
 ex obitu æternâ memoriâ dignissimi Præsulis, Magniq;
Senatoris IOANNIS ANDR: PROCHNICII, olim Prædecessoris
 Tui, in dies magis magisq; recrudescentē, fouebam⁹, re-
 mediū efficacissimum: id profectò totū nos hodie conse-
 cutos fateamur est necesse: cū Te Illustris: Antistes,
 Ciuem Patriæ amplissimum, Regni Senatorē prudentis-
 simum, Patrias in oras, felicissimis auspiciis aduenientem
 conspiciamus: cū vt Archiepiscopum, omni genere vir-
 tutū conspicuū, Ecclesiæ Leop. limina primo ingrediē-
 tem, summa cum animorum alacritate excipimus: cū
 Te huic Ciuitati addictissimū protectorem, ac omnibus
 nobis desideratissimum Patronum salutamus; istiusq; ho-
 noris gradum, quem Dei Opt: Max: prouidâ benignita-
 te, Serenissimi ac Potentis: Regis nostri singulari iudicio,
 Sacræ Sedis Apostolicæ autoritate, ac tuis præclarissimis
 meritis cōsecutus es, ex animo Tibi gratulamur vniuersi.
 Etenim quid aut sumos Magistrat⁹ ornare potest illustri-
 us? quàm Principū virorū præclara & eximia virtus? quā

non minus splendoris ac gloriæ, ijs omnibus, quibꝰ præ-
fiat, impertiri consueuerunt, quàm lucidissimū illud So-
lis iubar, aliis syderibus Lunā minoribus: aut procreatri-
cem immortalitatis virtutē, quid magis condecoret, atq;
cohonestet? quàm locus amplissimus, & eminentissimū
gloriæ solium, in quo velut vnio resplendens, inter præ-
ciosissima metalla pulchrius apparere solet. Quid suo Pa-
store viduato Gregi contingere optabilius, & iucundius?
quàm illius Viri conspectus, quē Deꝰ ipse gloriosissimus,
præ cæteris omnibus, meritis grauem, vitæ integritate in-
signem, pietate conspicuum, præstantissimarum virtutū
ornamentis illustrem, tanto, tamq; excellenti munere di-
gnissimum, ex hominibus elegit, Ecclesiæq; suæ Ducē,
& velut antesignanū præfecit; quem omnes facili sibi ad
imitationem proponant, omnes tanquā perfectionis pro-
positam imaginem suspiciant, & admirentur, omnes de-
niq; ad illius vitam, mores quoq; suos conforment, & in-
stituant. Quod gratius & felicius beneficiū, præsidiumq;
illi Ciuitati, quæ multis perturbationum procellis, ma-
gnisq; periculorum atq; calamitatum tempestatibus, sæ-
pius agitari solet, Dei prouidentia concessum? quàm Ma-
gni Antistitis præsens vigilantia; qui prudenti consilio,
dubias lites discutiat, rarā benignitate subitaneos ausus
leniat, æximā auctoritate, insolentiores temeritatis impe-
tus frangat, ac coercet. Quid insuper promptius, ac cerri-
mum mitigare dolorem, longissimam satiare expectatio-
nem, maximum mulcere desiderium potest? quàm lucu-
lentissimum, ac perfectissimum ex Sanctissimis prædeces-
sorū

orum virtutibus expressum exemplar, eiusq; Viri maie-
stas, in quo vno, omnes propemodū omnium virtutes, tan-
quam in speculo lucidissimo, nimum quā abundē re-
præsententur, vt ardentissimis vniuersorum votis respon-
deant. Ex quibus omnibus Tuis Illustris: Archipræsul,
præstantissimis ornamentis, tantū sibi quisq; gaudij & læ-
titiæ, omninō accessisse affirmat; quantum in Te dignita-
tis collatum videt; atq; adeo, eum Te in hunc sublimē di-
gnitatis gradum euectum esse gloriatur, quem iam pridē
præstans & illustris virtus, ad maxima in Repub; & Eccle-
sia Dei, per summos labores comparata ornamenta, & de-
cora erexerat. Quos inter, qui lætis applausibus sua vota ×
depromunt, ac proferunt, Tibiq; Illustris: Archipræsul
in hoc tanto Nobilitatis confluxu, tantā hominū frequen-
tiā, atq; concursu, summi huius honoris accessiōem;
longē felicissimā, congratulantur: etsi me quoq; hinc cō-
munis lætitiā vrgeat, illinc dignitatis Tuæ splendor non
mediocriter perstringat; hinc debita erga Te reuerentia
admoneat, singulariq; spes fauoris excitet, ac inflamo-
mer; altera verō ex parte satis ingenij mei perspecta tenu-
itas auocet & retardet; vicit tamen debitum officium,
importunum timorem, vt Orationē, non illam quæ tota
ad magnificentiorem pompam, & ostentatricem vanitatē
composita sit, sed hanc meam simplicioris affectū plenam
aggrediar; ex qua nimirum prompta studiorum meorū,
erga Te Meccœnatem Amplissimum, reluceat voluntas.
Nequaquā enim congruū esse existimaui, cæteris omni-
bus latum Pæana, & cōgratulationes faustas occinentib;

me velut elinguem Harpocratis statuam, inter Syrenas
dulcissimè personantes delitescere, aut altissimum fingere
silentium; in communi eius Patroni lætitia, cuius sub fir-
missima protectione, Musas Academicas, illas simplices
& candidas, commodiùs florere posse iudicavi: maluiq;
in dicendo prodere inopiam, & ingenij tenuitatē, quàm
debitum Tibi Illustris: Archipræsul, meæ obseruantia
x studiū non persolūere. Cū præsertim ex illo clarissimo
virtutum Tuarum splendore, & admirabili humanitate,
mihi facilè persuadeam, Te potiùs pietatis affectum, quā
dictionis minus elaboratæ cultum consideraturum. Ex-
cellentis virtutis Tuæ fuit, tantum splendorem, dignita-
temq; promereri; nostræ verò felicitatis sit, tantum Tibi
gratulari honorem, inq; tam celebri ingressus Tui pom-
pa, quæuis fausta, fortunataq; apprecari, effulsis animis
lætari, & quasi in theatro quodam apertissimo, illustres
x Tuas & eximias virtutes suspicere, & admirari.

Equidem Illustris: ac Reuerendis: Archipræsul, li-
cet suus merito cuiq; Civium, de Repub: optimè meri-
torum tribuendus sit honos, iustaq; conferenda præmia:
tamen grauissimo Sapientissimorum Virorum iudicio,
haud cuiquam vtrumq; potiori iure conuenit, quàm qui
virtute nobiliori, politiorique doctrina reliquos omnes
superent, qui feruentissimā in Deum pietate, præstantissi-
mā diuinarum humanarumq; rerum scientiā, eximiā vitæ
integritate, morū mansuetudine, atque comitate, singu-
lari quadam ratione præfulgeant. Et tenim vt altissimi ho-
nores, & eminentissimi dignitatū gradus, ipsi per se cæ-
teris

teris hominū ornamentis præstantiores sunt; ita illustri-
ores quasdam virtutes, laudabiliorem vitæ instituendæ
rationem, præstantiora generosioris ingenij specimina re-
quirunt, ac desiderant. Ac imprimis quid pietate in Prin-
cipibus Viris, inq; summis honoribus constitutis Ciui-
bus, vel ad Diuinum placandum Numen accōmodatus?
vel ad formandos, componendosq; vulgi proteruioris
animos conuenientius? vel ad mitigandos mores rigidos
& efferatos aptius? vel ad comparandam authoritatē, &
venerationem præstantius fingi, cogitariue potest? Nam
si apud vetustioris sæculi populos, quanquam à fide Ca-
tholica alienissimos, laudabili more, & cōsuetudine erat
receptum, nullos ad sacrorū ritus destinare licere, nisi qui
huius virtutis quàm maximā commendatione celebra-
rentur: nullis intima delubra adire, sacrificia offerre, re-
sponsa dare, Oraculorum vim interpretari; nisi ijs qui
maxime pij & religiosi haberentur, fas erat? Quid? Prin-
cipes Christiani, quos illustrioris pietatis diuinior afflauit
aura, in ea se virtute ab Ethnicis etiam vinci, ac supera-
ri patientur? Qui etsi victimis non nisi opimis, sacrorum
ritib; exquisitissimis, ludis & spectaculis apparatussimis,
aris & sacrificijs celeberrimis, falsos Deos venerati sunt,
impioq; cultu idola adorarunt: attamen ob religionem,
tanto in precio hoc officij genus habuerunt, tantaq; ve-
neratione munia sacerdotij prosequabantur, vt hæc non
nisi Regib; ipsis, aut ex nobilissimis Familiis Principib;
concederent. Hinc Pontifices, Flamines, Diales, Feciales,
cæterosq; sacrorum suorum arbitros, & præsides, au-
ratis

ratis vittis, laureis, quernisq; Coronis, ac cæteris insigni-
bus, ad summi discrimen honoris ornabant, & discerne-
bant; quibus etiam, si quis non assurgeret prætereuntibus,
aut de via non decederet occurrentibus, summū scelus,
rigidaq; animaduersione, ac propè morte piandum fla-
gitium iudicabant; Christianos non maiori religione ac
pietate imbutos esse decebit? Qui non furiosum Martem,
non inuidiæ flammis ardentem Saturnum, non scelerat-
um Iouem, non furacem Mercurium, non impudicam
Venerem, aut quicquid Deorū, Dearumq; superstitiosa
venerata est antiquitas, vanis ritibus adorant, sed altissima
veræ religionis mysteria, cælo ipso demissa, ac per Christū
in terris disseminata & propagata; qui non sanguinem
taurorum, non Pinariorū, Potitorumq; ambesa exta; sed
Diuinissimæ Triadi, in tremendo illo, ipsis etiam Spiriti-
bus à concretionem corporis liberis, Sacrificio, hostiā San-
ctam & immaculatam quotidie offerunt. Magnos sum-
mi Dei sacerdotes, Ethnicorum sacrificulis, Sanctissimū
Numen venerantes, quod nutu suo regit vniuersa, cuius
arbitrio, atq; voluntate, Sceptra, Diademata, Cruces, sacre
tyræ, omnesq; amplissimi honores hominibus con-
feruntur, liberos esse debemus? nec ab illis hunc pietatis
honorem requiremus? Longè aliud in Te fuit Tuū semper
iudicium. Etenim virtutem istam, quā à parentibus, &
Tuis maioribus nobilissimis, vna cum multis aliis Hero-
icis virtutibus hausisti, iure tuo æquissimo & Sanctissimo,
integram & inuiolatam, non solum in Te ipso (quod &
nunc facis quidem sanctissime) retinisti ac conseruasti;

sed etiam in his qui Tuæ potestati subiecti fuerunt, omni
contentione animi, consiliiq̄ Tui, promouisti. Sanctissi-
mum scilicet veri Dei cultum, teneris semper ab annis,
præfago corde reuoluens, Teq̄ ipsum tempessiuè admos-
dum, magnis Ecclesiæ & Reipub. vñibus accommodans,
ita huic virtuti toto pectore incubuisti, ita Te in quodiam
no tyrocinio pietatis exercuisti, vt nihil Tibi in illa etiam
prima ætate, amore Diuini Numinis dulcius, nihil amabi-
lius, nihil desiderabilius, statueres ac proponeres. Hinc
tua omnis non nisi cum optimis fuit cõuersatio atq̄ fami-
liaritas; leues, importunos, vecordes, & ipse facilè digno-
scere, & cautiõ factus admonitionibus optimorum præ-
ceptorum, quos ab Alma Academia accersitos, lateri tuo
semper affixos habuisti, quàm diligentissimè euitare stu-
duisti. Profectò dum Tibi Illustris: Antistes tantam ho-
noris, accessionem, summâ animorum cum lætitiâ con-
gratulamur, nostræ quoq̄ Academiæ, (cui addictissimus
semper fuisti) ex Tuis virtutibus amplissimis, non medi-
ocrem laudis atq̄ gloriæ portionē decerpimus: quòd ni-
mirum in teneriore illa ætate, nullis omnino sæculi vanita-
tibus, ac deliramentis induleris; quæ in diuersos anfractus,
& difficultatum Labyrinthos homines conijcere, & infe-
stissimo humani generis veteratori, flagitiorumq̄; vasserri-
mo artefici, velut prædam Minotauro in perniciem obtru-
dere solent: sed totum illud floridioris adolescentiæ curri-
culum, laboribus, vigiliis, lucubrationibus intentissimis
consecraris. Atq̄; his præsidijis munitus, ita Te ipsum sa-
cris ritibus addictissimum, Religioni Catholiciæ, atq̄; pieta-

ti deditissimum, reliquo vitæ Tuæ flexu probaueris: vt ne inuidus quidem aut inimicus, vllum Tibi nauum adspere potuerit: optimus verò quisq; per omnes ætatis Tuæ gradus, conijciens oculos, virtutum, meritumq; materiam, atq; segetem vberissimam habuerit, quam in Te laudaret, & admiraretur vehementer. Maturiori porro & constantiori ætate, post dedicatum & consecratum ipsi Deo animum, tantò maior in Te pietatis fulgor eluxit, quanto Te altius à communi hominum societate segregatum, amor Diuini Numinis euexisset, & illustrasset. Nam quid ego hic de Tua eximia pietate pluribus loquar, quidue immorer? cum illa amplissima Cracouien: Ecclesiæ Cathedralis, tum Sendomiriën: & Varlauiën: Canonicoꝝ Collegia, luculentissima faciant testimonia, quos labores pro bono Ecclesiæ amplificando, quantas, & quàm graues cū ipsius aduersariis concertationes susceperis, quàm ardens, & quàm felix cultus Diuini promotor & propagator extiteris. Quò enim maiori honoris, & dignitatis splendore nitebas, eò semper illustriori virtutum præstantissimarum luce coruscabas: nec Tibi tumoris quicquam, plurimum verò submissionis honores maximi adiciebant. Hinc fiebat, vt ingenti solius honoris Diuini promouendi desiderio inflammatus, cætera, quæ in arbitrio cæcipientis Fortunæ sita essent bona, vana, fluxa, mutationiq; perpetuæ obnoxia, plus quàm Anaxagoras ille Clazomenius reputares: qui cū à terrenis, ad cælestia animum auocasset suum, totumq; se Diuinarum rerum contemplationi dediisset: opes insuper atq; diuitias, quas ex hære-

ditate possideret maximas, contempsisset, ac ideo supina
cuiusdam negligentiae damnaretur à Ciuibus suis, identi-
dem exprobrantibus, quod nullam patriae curam haberet,
digitum in caelum intendens respondit: Mihi verò ò Ci-
ues illius Patriae cura est quam maxima: eam solam Patriam
appellans, à qua animorum nostrorum immortalis ori-
go profuxisset. Ita quoq; plus apud Te pietatis iura, quam
opes, & saeculi honores valebant: plus sibi vendicabat tem-
poris Religio, & deuotionis affectus ad exercitium, quam
ea quae popularem auram aucupantur, aut maximis cum
animi anxietatibus, à mortalibus conquiruntur. Quem-
admodum enim vniones preciosissimi, licet in proceloso
mari generentur, plus tamen cognationis, similitudinisq;
cum caelo nanciscuntur, cuius faciem coloremq; praeser-
unt: sic animus Tuus generosus, licet in assiduis Reipub-
licae tempestatibus versaretur, maiorem tamen semper habuit
rationem honoris Dei gloriosi, à quo promanasset, illiusq;
caelestis hereditatis, ad quam aspiramus & contendimus
vniuersi, antequam posset fieri particeps, contemplator
certe fuit ardentissimus. Equidem Archipræsul Illustriss: si
multum ea virtus laudis & honoris Principibus cõfert Chri-
stianis, qui magnis saeculi, & publicae rei negotiis sunt irre-
titi, quanto plus gratiae, & amoris cõciliat Viris Deo deuo-
tis, sacrissq; initiatis, atq; a deo Ecclesiarum pastoribus, ad quos
omnino promouenda pietatis ac Religionis Catholicae stu-
dium spectat. Neq; verò immeritò magis amant homines,
quam metunt eos, siue Principes, siue Sacrorum praesides, et

ampli paulò illi fuerint in vitiis coërcendis rigidiores; quòs
deuotissimos, & pietati addictissimos norunt. Sentiunt
enim, & intelligunt, omnibus eorum consiliis, rebusq; ge-
stis auxiliarium præsto Deum adesse. Hinc libentius eos
non admirantur modò, ac venerantur, sed imitantur etiam,
quos sibi vitæ integritate, morum grauitate, & innocen-
tiâ, ad meliorem vitæ rationem aditū præparare, feliciq;
pede præire intuentur. Vt enim Opifices & agrestes
operarij, qui ingenio minus sunt perspicaces, ad normam,
amulsiq; rectam, operas suas accõmodant: sic ad Prin-
cipis sui exemplum, inculta plebs, mores, vitamq; con-
format, ac instituit. Itaq; Princeps, si pietatis, si religionis,
si temperantiæ, si æquitatis, cæterarumq; virtutum cultor
fuerit egregius, facile non solùm subditos exemplo suo a
sceleribus, ad meliorem vitæ frugem flectet; adeoq; ab
insolentia ad obsequium, à proteruita ad morum mode-
x stiam, à dissensionibus ad concordiam reuocabit: verum
etiam apud ipsos sibi hostes, virtutis excellentis opinione,
summum conciliabit amorem ac venerationem: vt & re-
gnum domi pacatissimum, sinibusq; amplissimum, & foris
ab omnibus impressionibus tutissimum retineat, atq; con-
seruet. Quid? Nonne summo pietatis beneficio Princeps
ille iustus, integer, ac religiosus, Longobardorum Luit-
prandus, plura bella exigua manu, breuitq; tempore con-
fecit, quàm cæteri iustis exercitibus, temporibusq; lon-
gissimis potuerunt: plures victorias ex perduellionibus
suscepit, quàm cæteri potentes, magniq; Duces ingenti-
bus præliis non sunt assecutit: plures annos regnum illud

acerrimis hostibus circumseptum, faulse, prosperèque
administrauit, sineq; imperij propagauit, quàm vi-
cini Reges vinculo fœderis consociati, aut optare,
aut sperare potuerunt. At is ipse, non suis armis, sed
feruentissimis orationibus (quibus intra suum tentori-
um, erigi Oratorium voluit) id totum confecit. Theo-
dosius verò ille Sapientissimus Imperator, quàm per-
spectam eius virtutis vim habuerit, testatur ipse illa vl-
tima, & velut Cygnea vox, quâ liberis suis charissimis,
nihil aliud mandauit, quàm vt veram pietatem, sine-
rumq; cultum Numinis seruarent; constantissimè assue-
rans, hac ratione eos florentissimum, pacatissimumq; re-
gnum habituros, hostes, fuerint illi licet potentissimi su-
peraturos, trophæa gloriosissima reportaturos, si infra-
ctam, nullisq; vitijs, vel hæresibus contaminatam, pieta-
tem in Deum, tanquam firmissimum Regnorum amplis-
simorum fundamentum tuerentur. Quid autè dicam de
Pontificio munere? quid edisseram? quantum valeat ani-
morum cum Deo coniunctorum intima consociatio, &
quotidiana illa familiaritas, si Principum, Regumq; pie-
tas, tanta regnis pariat emolumenta? Profecò non dubi-
tauerim asserere (quod ipsum iam per se luce clarissima il-
lustrius & euidentius est) non tantùm militari potentia,
munimenta ac propugnacula fortissima adferre præsidij,
non regnis, mænia Urbium: non pedestres phalanges, cæ-
pestribus cōcertationibus: non Equestres instructas acies,
defendendis castris: quantum pia, integraq; vita Sacerdo-
tum, in Ecclesia Dei. Qui velut perfectionis Christianæ

Specula, nulla labe, nulla macula inaspera; diuini amoris
ardentissimæ lampades, super candelabra Ecclesiæ Catho-
licæ expositæ, vt & ardeant cælo, ad Dei gloriam, & luce-
ant hominibus bono exemplo ad imitationem. Hanc Tu
igitur virtutem Illustris; D. à teneris (vt dixi) annis; ab
exemplis maiorum, Parentumq; Tuorum nobilissimis, hau-
sisti, possedisti, hanc toto vitæ tempore coluisti, obserua-
sti, hanc clarissimis meritis ac monumentis ornaisti, propa-
gasti, vt haud immerito diuinitus tanta Tibi dignitas, tan-
tusq; honor, amplissimæ huius Cathedræ contingat.

Quod si Sapientiam, quæ est diuinarum, humanarumq;
rerum scientia perfectissima, mentis humanæ lucerna
splendidissima, acutiori ingenij radio lustrauerimus, non
solum hanc Ecclesiæ Pastoribus, summum adferre orna-
mentum & præsidium intelligemus, verum etiam ijs Prin-
cipibus, quicunq; ad clauam Reipub: sunt collocati.
Vtriusq; enim istius magistratus diuinum munus est, Dei-
q; locum omnes, qui aut homines erudiunt ad iustitiam,
aut retinent in officio honestatis, in terris occupant. Eius
verò officij vt dignitas summa, ita cura, laborq; ingens, er-
ror periculosus, casus perniciosus, sine singulari pruden-
tiâ, virorum grauissimorum consensu & authoritate, iudi-
catur. Quantum enim inter sensus humanos præstat visus;
in animæ nobilissima functione intellectus, inter sydera
Sol: tantum in omnib; rebus humanis Principum Sapien-
tia sibi vendicat dignitatis; quæ si cæcuiat tanquam ocu-
lus, propter lippitudinem; vel organo non rectè vtatur
suo, tanquam intellectus propter inflammationem, ac ob-

Opaxionem: vel defectum raminis pariatur, tanquam
Sol, ob Lunæ interpositionem, intelligemus omnia in
Principe fuerint licet præstantissima, nihil omnino va-
litura. Tum enim omnia in eiusmodi regimine, tan-
quam in confuso cerebro, turbulenta; tanquam in o-
culo caeca: tanquam in Sole horrida, obscura, & tene-
bricosa vt existant, est necesse. Hinc Athenienses Palla-
dem Sapientiæ Deam, imperio præesse suo voluerunt:
Ægyptij per sceptrum oculatum, Sapientem Principem
designarunt: Veteres Romani, per antiquissimum illud si-
mulachrum, Iani bifrontis, & in vtrâq; partem oculos
dirigentis, Sapientissimum esse debere eum, quem aliquis
in Rep: magistratus adornat, docuerunt. Nec immeri-
tò equidem prudentissimi sapientissimiq; viri, tantis sapi-
entiam laudibus & elogiis celebrarunt. Ab illa enim,
quicquid castæ puræq; Religionis in Deum, quicquid pie-
tatis in patriam & parentes; quicquid nobilioris perfe-
ctionis in homine, mente concipi, aut cogitari potest,
velut vberissimo fonte promanare solet: ab illa consilij,
& prudentiæ, dexteritatis & industriæ momenta petuntur:
ab illa ad moderandos eminentissimos quosq; magistra-
tus rationes & præcepta conquiruntur: ab illa velut vni-
uersæ eruditionis procreatrice & parente, præstantissima
ingenij præsidia, nobilissima scientiarum dogmata, fortis-
sima veritatis arma mutuuntur, quibus importunæ Hære-
ticorū phalanges dissipentur, fraudes, doliq; mali Schis-
maticorū arceantur, fictæ, simulatæq; pietatis fucus di-
scutiatur. Illa est timoris & amoris diuini comes con-

scia, moderatrix rationis, lumen ingenij, nutrix scientiarum studiosissima, magistra perfectioris vitæ fidelissima, regula regiminis publici probatissima, nobilissimarum virtutum officina absolutissima, fons & origo prudentissimorum consiliorum, anchora felicitatis, portus immortalitatis, basis & fundamentum illius hæreditatis sempiternæ. Hac sine in summis magistratibus, nec iustè, pieq; quicquam administrari potest. Ut enim nisi splendidissimum, altissimumq; Solis iubar, radios suos in omnes terrarum regiones diffundat, obscuris tenebris inuoluuntur omnia, confusaq; manent: sic animus Principis, ultra commune humanæ conditionis eleuatus sortem, nisi Sapientiæ splendore, cæteris clarior euadat, nisi radios perspicacis cuiusdam prouidentię, longè latèq; spargat, ac diffundat, confusa & veluti chaos quodam teterrimo immersa, infra se omnia experiatur esse necesse. Imperitia siquidem mater est confusionis, quæ animum & voluntatem ita excæcat, & deprauat, ita sensus teneriores, acutioresq; hebetat & attenuat, Cymerijsq; plùs quàm tenebris inuoluit; ut quid rectum sit, quid laudabile, quid salubre, quid honestum, minus omnino valeant dignoscere. Quam rerum imperitiā ac confusionem, animus Tuus immortalis Sapientiæ lumine illustratus, semper esse Illustris: Archipræsul detestatus. Agrestem illam, & ignobilem hominū colluuiem, semper iudicasti contemnendam, quæ supremos sibi arrogat honores, utque melioribus imperare possit, ambit vehementer; cum nullis sit doctrinæ recõditioris munita præsidiis, nullis tincta coloribus, solidæ,

verâq; eruditionis. Itaq; Tu nō solum illā Sapientiæ pos-
sessionē, summis laborib; & vigilijs, ardentissimōq; Tibi
animo comparasti, quā vlibus vitæ humanæ, & consi-
lijs publicis accommodatissimam, Ecclesiæ verò & Reip:
difficultatibus discutiendis perutilem ac pernecessariam
cognouisti: verū etiam per eam Tibi laudem maximā,
non solum in Regno hoc florentissimo, sed in exteris
quōq; nationibus quætere non dubitasti, in ea plurimum
excellere rem honestissimam, & viro ad magna Reipub:
negotia nato, perhonorificam existimasti. Hinc & viros,
virtute & eruditione clarissimos, tanquam propugnato-
res Catholicæ veritatis fortissimos, veræ Religionis pro-
pagatores feruentissimos, Hæreseum, vitiorumq; extir-
patores laboriosissimos, infernalis Sophistæ calumnia-
rum Censores & arbitros grauissimos, semper vnicè co-
luisi, amasti, obseruasti, illustri gratiâ, autoritateq; Tua in
sublimiores honores euexisti, erexisti. Optimè siquidem
nostra, Naturam quoq; ipsam, optimam parentem, in hoc
ambitu & ordine vniuersi, meliora deterioribus, robu-
stiora infirmioribus, nobiliora tenuioribus, sublimiori
collocasse loco: quin etiam cælestia Numina, ad eminenti-
orem dignitatis gradum, homines, qui alios regere,
comunem salutem defendere, publicam vtilitatem pro-
mouere valeant, quā prudentissimos, & vlu rerum pe-
ritissimos eligere & erigere. Neq; verò digniorem esse
eum, vti vir sapientissimus putasti, qui splendore, appara-
tuq; conuiuiorum superbiat, qui cultu luxuq; corporis
turgescat, qui magnificâ ædificiorum structurâ, numero-

sa famulitij cateruâ, potentiâ suâ ostentet; sed qui prudētī
consilio, rerum agendarū dexteritate atq; fide, animi ma-
gnitudine & robore, nobilissimis animi dotibus & inge-
nij excellentiâ, plurimum valeat: omniaq; hæc præsidia,
ad Ecclesiæ Dei ornamentum, & publicum emolumentū
conferat: is demum & frugi vir, & sapientis nomine
dignus à te semper iudicatus est. Ut enim nauiculatores,
non formosissimum, aut ditissimum; sed peritissimum vi-
rum, ad regendam aduersus tempestates maris nauim, cō-
quirunt & præficiunt: qui ventorum vim & cōuersiones;
locorum naturâ, positionemque; syderum benignorum &
aduersorum ortum aut occasum; itum & reditum tempe-
statum noscat, & intelligat; quiq; faciliè periculosas su-
perare Syrtis, voraces euitare Charybdes, præcipites ef-
fugere Scyllas, & sciat, & possit: ita ad regendos sum-
mos in Rep: Magistratus, is vir eligitur, qui mores, ge-
niumq; populi norit, qui leges, iura, libertatem perspi-
ciat, & penetret, qui deniq; tumultuosas seditionum pro-
cellas imperio moderari, sana subitò consilia tempore
periculi inualescentis promere, inflammata ad vim,
ad insolentiam, ad temeritatem, multitudinem, authori-
tate prudentiâq; suâ mouere, à scelere ad moderationem
animi stræere, benignitate magis, quàm seueritate rege-
re, & impetum furoris, clementiâ mitigare possit. Tam
diu enim Trabeæ, Paludamenta, Togæ, Sceptra, Diadema-
ta, splendorem decusq; suū retinere solent; quamdiu spe-
ctatos Sapientiâ, prudentes consilijs, graues meritis &
virtute viros habeant, quos adornent & illustrent, vel ab

his potius adornentur, ac illustrentur. Quare ego summam quandam Dei Opt: Max: erga hanc Urbem atq; Cathedram benignitatem agnosco, quod Tu potissimum Illustri st Antistes integerrimo, prudentissimoq; Prochincto, Sapientissimus, grauisimusq; meritis Præsul succedās: ut mihi non orbata hæc Ecclesia Pastore, sed per felicem quandam vicissitudinem, successore suo magis etiā ornata, & illustrata videatur. Et fruitur ille quidem Sanctissimus Tuus antecessor, in illa patria immortalitatis, beatitudinis sempiternā, nuncq; laborum suorum pro bono Ecclesiæ amplificando exantlatorum, fructum omninò percipit longè vberimum: atq; adeò hoc etiam nomine gaudet & lætatur, quod Te successorem videat & agnoscat eum, qui in hoc æstu, & fremitu Religionis, laborantibus succurrere, lapsos erigere, afflictos consolari, per Tuam singularem & eximiam possis Sapientiam. Eam quippe semper firmā solidamq; existimasti, scientiā quæ non de rebus minutis subtiliter differat, aut de inutilibus curiosè rixetur, sed quæ de negotiis grauisimis, ad Ecclesiæq; emolumentum spectantibus, necessaria admodum dōgmata copiosè sufficiat, atq; porrigat: & eam quæ non more græculorum consumendi ocij gratiā, in angulis vanis concertationibus incumbat; sed quæ in luce & theatro Reipub: negotia dextrè obire, consilia rebus dubiis promptè & commodè subministrare, bonorum virorum amicitiam, piè, sanctèq; colere doceat: eam deniq; quæ non perturbationibus vehementioribus frangatur & corruat, aut lenocinijs & voluptatibus succumbat, aut irā

effervescat, aut metu impallescat, aut lætitiâ immoderati
us efferatur, aut insuper grauissimâ sollicitudinum
tempestate fluctuet & obruatur: sed quæ omnes insolenti
iores animi motus, tanquam equos effrænatos, sub gy
rum rationis mittere norit, iracundiam cohibere, odium
extinguere, rixas & seditiones comprimere, simultates
radicitus euellere, rebus prosperis prudentiam ac medio
critatem, aduersis modestiam, & constantiam, accom
modare præcipiat. Nec verò ita arduum, & difficile fuit
vllum Reuerendis: Archipræsul pro R epub; susceptum
à Te negotium, quod Tu minus vnquam feliciter confice
res: nec ita vehemens atq; terribile, quod non omnino
Tibi gratum & iucundum videretur. Quocunq; Te gra
uissima Reipt: vocabat necessitas, illinc alacriter, summoq;
cum impetu animi cucurristi, ardentissimisq; semper opti
morum Ciuium votis, & potentissimorum Regum de
siderijs, prudentissimis consilij Tui conatibus respondi
sti. Mirabantur amici, summos Tuos & penè Hercule
os pro dulcissima Patria & Ecclesia superatos labores,
stupebant & exhorrescebant inimici (quanquam nesciã,
an aliquem ob eximiam Tuam felicitatem habeas inimi
cum) hostes verò etiam (qui maximus perfectæ virtu
tis fructus est) deprædicabant. Reficiebantur toties sa
pientissimis sententiis è maturo Tuo iudicio depromptis,
à disitis regionibus venientes hospites, recreabantur de
natores; parietes deniq; ipsi Regiæ Curix, sæpius ad the
xanimam Orationem Tuam gestire quodammodo, &
exultare videbantur. Quid commemorem, quo confi

lio, & prudentiâ vsus fueris in commissionibus periculo-
sissimis, quâ dexteritate in negotijs difficillimis, quo in-
genio in causis dubijs & obscuris, quâ solertiâ, modoq; in
reconditis & confusis, quâ sedulitate in ambiguis & per-
plexis: cum vel illud grauissimum Reipublicæ munus,
Tuis humeris impositum, vt thesauri totius Regni curâ
gereres, satis sufficienter, qualis Athlas in hoc cælo susti-
nendo fueris, approbet. Profectò omnium redituum &
uestigalium Reipublicæ rationes & momenta recognos-
cere, & in promptu semper, ac numerato cum opus est
habere, quis nisi imperitus intelligere non possit, quâ id
officium industriam, quem laborem, quam diligentiam
& assiduitatem requirat ac desideret? Quam tamen Tu
Illustris: Antistes prouinciam omnem, non solum dili-
genter ac sollicitè, sed etiam summâ fide & moderatione,
immortaliq; cum laude & emolumento Reipub: admi-
nistrasti. Fuit enim præcipuum in Te vitæ traducendæ
institutum, vt non solum maiorum Tuorum gloriæ, ho-
nori, virtutibus, quibus illi hoc in amplissimo Regno
multis sæculis eximè floruerunt, responderes, præsentibus
necessitatibus Reiptue curreres, calamitosi saluber-
tissimo consilio prodesse, de patria benè meritis viris au-
xiliatricem manum porrigeres, ^{sed} fidei magnanimitate, sin-
gularibusq; erga Serenissimos Reges meritis, rarissimis
erga patriam officijs, solidam apud seram posteritatem
laudem, nomenq; immortale Tibi comparares. Cuius
equidem laudabilis contentionis Tuæ, fructus vberissimi,
cum vbiq; in Repub: manifestissimè reluceant; cum viro

rum nobilissimarum Tuarum maximus splendor sese
luculentissimè efferat, oculosque omnium Ciuium per
stringat, merito dignus iudicatus es, cuius tantæ prudens
tiæ, tantis meritis, tantæ pietati, etiam absq; aliarum de
cursu dignitatû minorum, Amplissimi huius honoris So
lium offerretur: dignus cui sella Curulis, & in Senatorio
ordine, honorificentissimus locus designaretur, cuius
Sapientia, in subsidium Ecclesiæ, & labantis huius Reip:
altiùs eleuaretur, ac deniq; cuius fidei gloriosissima di
gnitas Archiepiscopæ Leopoliën: custodienda & exor
nanda demandaretur: vt in patentibus & apertis huiuscè
R VS S I Æ campis, virtus, industriaq; Tua, liberiùs & li
beraliùs possit excurrere. Hic ergo feliciter ingenij Tui
diuinam illam vim exere ad admirationem, afflictos inco
las sanctissimis præceptis, & consiliis erige ad patientiam,
in fide titubantes retine & confirma ad constantiam; er
rores atq; vitia grauissima extirpa, ad vitæ emendatione
errantes oues ad saluberrima Ecclesiæ Catholicæ reduc
pascua: atq; vt vno verbo complectar omnia, in hac va
stissima regione, cunctis hominibus optimo exemplo
præluce, ad virtutum nobilissimarum imitationem.

Quid dicam de admirabili benignitate, summâ cle
mentiâ, mansuetudineq; Tua, atq; adeò animo illo verè
heroico, qui miserijs humanis tenerrimè compatitur, af
flictis promptissimè subuenit, offensas & iniurias graues
deprecantibus, facillimè culpam condonat & ignoscit
Profectò magnanimorum Heroum indoles ea est, atq;
natura, vt nusquam superbiâ intumescant, nusquam in
feriorum

feriorum contemptu laborent, nusquam quēquam gra-
ui supercilio damnent ad contumeliam; sed quo excel-
lentiorebus animi sui bonis, magisq; prospero flatu fortu-
næ fuerint illustriores, eò se faciliores, humanioresq; præ-
stent. Magnam omninò potentiam, sublimem maiesta-
tem, grauissimam auctoritatem, magni Principes ita cõ-
ponunt, vt plura semper aliorum virtutibus concedant
ornamenta, multo maiores ingenijs, eloquentiæ, consili-
is amicorum, accumulēt laudes: nihil nisi submissè de se
& sentiant, & loquantur: magnas ingenij dotes modestiã
comprimant, animi magnitudinem sui, non magnopere
iactent, vel ambitiosè ostentent: omnia deniq; candidè
sincerèque faciant, nihil agant ad fucũ & simulationē. Nã
quemadmodum tempore verno, aura tenuis, suã placidã
inspiratione, vitam, spiritumq; vegetiorem animantibus
instillat & infundit: & recentis solis attemperat æstus: &
turbines, ne aucti subitò viribus ipsi suis acrius noceant
arboribus, vel ædificia euertant, & prosternant; vel her-
bas confundant cum radicibus & extirpent, vi caloris
moderati detinet, & attenuat; hincq; efficit, vt & flores,
suauissimos spirent odores, & arbores fructus ferant v-
berrimos, & homines in suis domiciliis tuti satis quietiq;
viuant: Sic benignitatis, & clementiæ fauor, simul atq;
Principis alicuius animum occupãrit, omnia tuta, quie-
ta, amana reddit; virtutesq; alias paulò rigidiores, velut
in concentum, & dulcem quandam harmoniam vocat:
ita vt nec iustitia (quæ summam sæpè habet comitem in-
iuriã) sit nimis rigida, sed exorabilis; nec imperium seuer-

rum, sed amicum; nec mores dominantis asperi, sed placidi; nec summâ potentiâ formidabilis, sed amans; nec deniq; ipsa maiestas metuenda, sed amabilis esse videatur. Ut verò sal modicus, cibis suauitatem restituit, & saporibus alios iucundius palato propinat: sic benignitatis & humanitatis affectus, amabilius reddit eos, qui idè hominibus præsumunt, ut prodesse possint. Itaq; qui ad eâ virtutem velut ad Helicem & Cynosuram communem Ciuium salutem, publicumq; bonum dirigebant, & aliquid gratiæ, humanitati, mansuetudini concedendum putabant, neq; singula semper Censoriâ virgulâ examinabant: illi profectò Sapientissimi & felicissimi Rerumpublicarum rectores, & conseruatores sunt appellati. Celebrata est ea virtus summis laudibus, à grauiissimo & eloquentissimo Urbis Romanæ Senatore Arpinate, qui nihil laudabilius, nihil magno & excelso animo dignius esse placuit & clementiâ asseruit. Placuit vehementer Atheniensibus, qui tantam huius virtutis habere voluerunt rationem, ut quamuis Senatum Areopagiticum constituerint rigidum, & nimium seuerum, qui seuerâ mores Ciuium insolentiores coërceret animaduersione, cogeretq; legibus ad modestiam, & vitæ probitatem: huic tamen ipsi quam diligentissimè animaduertere iniunxerunt, ne quisquam in ordinem magistratuum superiorum admitteretur, nisi is ipse benignitatis, temperantiæ, æquitatis, egregiû aliquod specimen in vita sua exhibuisset. Est enim mansuetudo diuina planè virtus, quæ in hominibus tumidiorem mentis elationem comprimit, immoderati fa-

flus insolentiam coerceret, grauis supercilij asperitatem, & immodicam errorum, nozarumq; castigationem lenit atque mitigat. Hâc Tu virtute Illustris: Archipræsul, cum per totum vitæ Tux curriculum vehementer excelluisti; tum vel maximè admirandus extitisti, cum Serenissimorum Regum prudenter & nimium quam circumspectè intima consilia tractasti; vbi ob summam Principum gratiam, singularemq; fauorem, quanquam aditum Tibi facilem ad honores amplissimos referare potuisti, nihilominus tamen ita Te moderatum præstitisti, vt potius honoribus dignus videri, quàm frui volueris.

Non commemoro cæteras Tuas patrias & hæreditarias virtutes, illasq; in quibus tanquam cardinibus humana vertitur perfectio Iustitiam, Fortitudinem, Temperantiã: illa certè Heroici animi singularia decora, magnanimitatè nimirum, & liberalitatem prætermittere nõ possum: quæ vt Diuinitus solis penè Dynastis conceduntur: ita eisdem ad Diuinam Maiestatis beneficam naturam, proximè faciunt accedere. Vt enim Solem videmus liberalissimè cæteris syderibus, sui luminis splendorem communicare, cuncta intimo quodam vigore animata fouere, prata gramini, hortos variis floribus, plantas foliis, aues plumis, animalia diuersis integumentis vestire, nec quicquam tamen de sua deperdere pulchritudine & abundantia: sic Princibus, Ecclesiãq; Pastoribus, rarâ Dei Opt: Max: benignitate cõcessum est, vt tantis dotibus animi, ingeniiq; adornati, tam liberali indole & fortuna instructi, & illustrati; miseris & egenibus subue-

nant, afflictiis succurrant, pupillis patrocinentur, bonorum ingeniorum laboriosos conatus, ad studia liberalia promoueant; ac deniq; Diuini Numinis benignam munificentiam in beneficiis elargiendis imitentur. Quas quidem virtutes Illustris: Archipræsul singularibus, & perquam illustribus argumentis expressisti, multa liberaliter, multa magnificè egisti: in rebus præsertim ijs, quæ ad cultum, Dei que Optimi Maximi honorem, Ecclesiæq; decus, & patriæ ornamentum spectant. Sunt enim istæ Tibi, beneficio Gentis Tuæ innatæ, non solum vsu & exercitio pulcherrimo propagatæ virtutes: quæ in Tuo quoq; germano fratre Illustris: olim Luceorie: Episcopo Achacio Grochemsky, summo opere enituerunt. Tuum est illud egregium & verè Christianum votum, quo vt quàm optimè omnibus eueniat optas, vtq; ipse quàm plurimis maximè professe possis hominibus, desideras. Hinc nihil Tibi iucundius est quàm humanitatem colere, hospitalitatis iura promouere, neminem petentem aliquid, (quod ille princeps Romanus gloriabatur) tristem à facie Tua dimittere: quæ omnia tanta sunt, vt non meam istam tenuem & exilem, sed eloquentissimi cuiusq; floridam, & magnificam vincant ac superent orationem. Exponant illi vberiori & elegantiori dicendi copiâ Heroicum Tuum & magnanimum animum, qui propiores plurimis ab annis virtutum Tuarum, rerumq; gestarum spectatores, & admiratores fuerunt: referant isti & deprædicent summam Tuam in clutu Diuino promouendo liberalitatē, qui Tuo propensissimo fauore, ad altiores honorum gradus, cum singulari

gulari patriæ & Ecclesiæ emolumento, ac solatio eueſti
sunt. Quamquam verò omnes isti taceant & obmutescant,
ingratumq; pro maximis beneficijs obtrudant silentium:
deprædicabunt tamen munificentiam Tuam, vel illa magnifica
ædificia quæ in rem, & necessitatem Ecclesiæ, tum hic Leopoli,
tum ad Monasterium Siccichouienſe, splendide & sumptuose
eriguntur. Itaq; non tantum laudis & immortalitatis, illos
sibi comparasse facile mihi persuadeam, quibus æræ quondam
statuæ erigebantur, aut quibus altissimæ Columnæ, aut
Obelisci, aut Colossi, immensæ magnitudinis exædificabantur:
quantum Te Illustris: Antistes, qui tot collocas immobilia
gloriæ fundamenta sempiternæ, quot ædificiorum satagis
exquisitissime erecta monumenta relinquere: atq; ad eò contendis,
ut fama decusq; Tui nominis, non his exiguis mortalitatis
terminis, quibus vita nostra circumſcribitur, contineantur
verum ut ad omnem posteritatem, memoria virtutum, meritorumq;
Tuorum gloriosa transmittatur, ac propagetur. Quare fruere
iam Illustris: Archipræſul tam illustri, & excellenti dignitate
atq; honore Tuo, quem felicissime ingentibus meritis, virtutibusq;
Tuis consecutus es. Te enim his in oris Russicis unum omnes
intuemur, summam cum animorum alacritate, qui præstantissimarum
virtutum ornamentis, mirum in modum cæteris omnibus præfulges.
Nam hæc omnia tam præclara & honorifica præmia, atq; decora,
non ex Olympicis certaminibus, ubi de oleastro, non ex Pythiis,
ubi de Palma vel Esculo; non ex Nemæis, ubi de Oleis, vel ex

Apio Coronis, variæ eaq; periculosa contentiones susci-
piebantur, reportasti: sed ab augustissimo Reipub, no-
stræ theatro, postquam virtute, & rebus egregiè gestis, ho-
nificentissimè, gloriosissimèq; pro fide, pro legibus,
pro libertate, pro amore patriæ, pro Ecclesiæ dignitate,
atq; integritate decertasti, Sellam Curulem, Tyram Ar-
chiepiscopalem, amplissimæ & perfectissimæ dignitatis
Tuæ insignia, felicissimè retulisti; Tuorumq; maiorum or-
namentis clarissimis adiunxisti. Ex quo rerum Tuarum
tam felici progressu, nemo est qui non lætetur, nemo
qui non excellam animi Heroici indolem admiretur, nes-
mo qui eximias dotes Tuas non suspiciat, & in hoc ex-
pectatissimo, aduentu Tuo, non omninò felicia omina,
promptissimo animo cōcipiat. Te nunc Amplissimus or-
do Senatorius, Virum Regni Principem, in nobilissimū
ordinem, magna cum alacritate adscriptum honorat:
Te authoritate & prudentiâ grauissimum, Cathedræ Tuæ
Prælatorū Collegiū, vt Archiepiscopū diu multumq; exspe-
ctatū sumo cū iucunditatis applausu, & veneratione cō-
plectitur: Te vniuersus Clerus, qui tantisper multū de Te sol-
licitus, pietatis, & deuotionis studio nō segnè operā nau-
bat, optatissimum Præsulem, humili cum submissione
excipit: Te prudentissimus cum tota hac Ciuitate Sena-
tus, fautorem & protectorem sibi addictissimum, huma-
nissimis officiis, veneratur: Te Musæ nostræ Mæcenat-
em liberalissimum, velut alterum Apollinem, in Parnaso
sum venientem, amænis vocibus, & faustis acclamationi-
bus salutant: Te deniq; vniuersus populus, Pastorū vi-
gilan-

gilantissimom gratulabundus, optima quæq; Tibi à Deo
Opt: Max: precatur. Et quamuis ista tam grauis tempo-
rum difficultas, & afflictus Regni istius status, ob multas
calamitates, & hostium vndiq; irrupentium oppressio-
nes, non faciliè quenquam animo lætiora voluere patia-
rur: tamen exortâ hac Tua recenti dignitate, velut nouo
laboranti patriæ sydere, incredibilem spem, & consolati-
onem adferre videtur, feliciorémq; temporum rationē
pollicetur, vt certissimum omen concipiant omnes,
Te Duce, & Diuini Numinis deprecatore, iustissima Dei
vindictis ira, benignè placabitur: Consiliis Tuis prudens-
tissimis, Regnum hoc tantis periculis agitatum fulcietur
prudentiâ deniq; Tuâ Hæreses corruent, & discutientur
vniuersæ. Schismata fidem Orthodoxam, auidè comple-
ctentur: & cetera temerariâ, Tuâ benignitate, perugili cû-
râ superata, ad sanio rem mentem, missis erroribus, & va-
nis superstitionibus reuocabuntur. Quocirca Illustriss:
ac Reuerendiss: Archiprælul, cum Tibi tantam, tamq;
vberem, ac gloriosam virtutum nobilissimarum compara-
ueris supellectilem, cumq; tantis fulgeas meritis, quibus
& Amplissimæ huic dignitati maximum ornamentum, &
Gregi vniuerso perfectissimum documentum suggerere
possis, cû Te purissimû suæ perfectionis speculû intueatur
quodq; in se corrigat, & quod sequatur, in Te habeat.
Ingredere faustis ominibus, hanc Tuam amplissimam,
honoris Augustissimi Cathedram: conscende bonis au-
ibus nobilissimum hoc virtutum Tuarum theatrum: posse
fide eminentiorem Ecclesiæ speculam: ex qua diligentis-
sime

simè prospicias, ne impietas opprimat Religionem, confusio interrumpat bonū ordinem, malitia eliminat sanctitatem, liuor subuertat æquitatem, candori noceat adu-
latio, innocentibus fraudulenta pseudopoliticorum insidietur improbitas. Erige (vt facis) magnanimum & heroicum Tuum animum, magnisq; semper rebus gestis probatum, & contra audacissimos Hæsiarcharum insultus atq; impetus Te oppone & obijce: qui velut turbines Remp. sæpius nostram quatunt, conatus optimorum Ciuium interrumpant, consilia bonorū impediunt, ab ouiliq; Tuo elimina. Nemo in ouili tuo lupus, nemo improbus, aut in aliquod dedecus proiectus homo reperitur: vitæ probitas & innocentia, morum grauitas & continentia, bonæ literæ, omnis deniq; honestatis ornamenta, sub Tuo Præsuli: Amplissime præsidio, fide, patrocinio, tutissimè, suauissimèq; cōquiescant. Hæc enim sunt bonorū omniū vota qui Te tantis bonis cumulatū salutāt:
Hæc omnium nostrum desideria, qui nos lætos & alacres in Tuum paternum & amabilem cōspectum effundimus: & dum Crucem, quæ Tibi præfertur, magni imperij sceptrum, authoritatis insigne, imbecillitatis nostræ præsidium, intuemur, omnes Tibi intimis ex animis, fausta & felicia omnia comprecamur: atq; ad eò feruentissimis precibus cæleste Numen oramus vt benignâ sua gratia mentem tanto Senatore dignam, quam ipse dedit compleat: vitâ animo, corporiq; det florentissimâ, quâ mereris: omnibus consiliis Tuis, quæ pro Ecclesiæ & Reipub: dignitate suscipies, ipse præsens adsit, a Qionibus & negotia Tua dirigat

gar, lætissimoq; exitu concludat: amplissimæ deniq; dignitati Tuæ, gloriam omnem & felicitatem circumfundat: vt his Tuis præstantissimis animi dotibus, quàm diutissimè fruaris, ad Ecclesiæ Orthodoxæ ornamentum, Regni & Reipub: subsidium, Tuæ Gentis nobilissimæ & omnium amicorum solatium, ac emolumentum longè maximum. Non enim quicquam poterat contingere tantis virtutibus illustrius, quàm hic ipse summus honor: non continuis in Repub. laboribus melius, quàm dulcis requies, & in hac ætatis maturitate honestissimum cum summa authoritate otium: non præclarissimis meritis dignis, quàm amplissimum virtutis præmium, & illa Palæstra dignitatis, in qua defenderes, Ecclesiæ Catholicæ immunitatem: Serenissimi Regis ac Domini nostri clementissimi, promoueres Authoritatem: Patriæ & Reipub: tuereris integritatem: sartam te & amq; nobilitatis conseruares libertatem: omnibus ijs, qui pietatem & eruditionem propagant, promptum & benignum Tuum patrociniū testarere: nostras mansuetioris deniq; Camænas in hac Colonia vt humiles sublimis honoris Tui veneratrices, serues, foueas, tuearis, Paternoq; affectu cõplectaris. Hoc erit æternum Tuæ gloriæ monumentum, qui nobilissimis maiorum Tuorum exemplis, literarum præstantiam, virtutibus clarissimis adiunxisti, vt & nostræ Academicæ Musæ, genium inde hauriant nobiliorem, obsequijsq; Ecclesiæ ac Reipub: accõmodatiorem; & gratissimæ posteritatis linguæ fateantur, quod Metropolitano Leopoliens: Gymnasio, aut PROCHNICIANA boni-

tas prestare voluit, aut Zamosciana prompta liberalitas
cepit exequi, Illustris: STANISLAI GROCHOWSKI
Archiep: laudatissimi, benevolentiam, pietatem, sapientiam,
magnanimitatem, ad sempiternam nominis immor-

Dixit Dnus talitatem perfecisse. G
Dno meo sede d I X I. dextris meis
donec ponam inimicos meos scabellum
pedum tuorum.



itas
KI
tiã,

lam



SIDR0019549

Biblioteka Jagiellońska

